

Poentje Castro:

Ami na final a recupera e Laptop y no Recherche



Segun Poentje, pa diescincos dia e ladron aki a yame 30 biaha. Hopi yamada mas a keda registra entre el y Claudius Philips. Esey ta prueba

suficiente cu nan ta den un team-work hunto.

Poentje ta desmenti cu el a coba den e Laptop Computer, cos cu Poentje a conta hende

di dje. Mi no a coba den e laptop at all!

E presentador di TV, a muestra cu keto bay tin hende ta plama rumor incorrecto. Ademas, autoridad a pidi Claudius Philips pa no bay prensa te ora cu e caso aki keda cera. Pero tog tin un acusacion di encubrimiento riba lomba di Poentje. E ta compronde cu e meta di Recherche tabata pa busca mas prueba contra dje, pero na final e berdad ta bin dilanti.

ORANJESTAD (AAN): Durante un conferencia di prensa convoca Diamars door di Poentje Castro, un di e eronan cu el a comete ta door di involucra autoridad huancial na tempo den e intento di dje y di Claudius di trata na recupera e Laptop Computer horta for di cas di e cantante.

Pesey ora cu e mainta ey el a yama su Abogado, y bise cu e tin un laptop procedente di ladronia y no sa kico pa haci cune, el a haya e conseho pa inmediatamente hiba e Computer pa oficina di Abogado.

Pero prome cu esey a socede, Recherche a bati na su cas y Poentje Castro a keda deteni pa "encubrimiento".

Castro no a keda contento cu e imagen di dje proyecta e dianan ey den prensa. El a bisa awor, cu hopi informacion a worde saca for di duim. Hopi aña el a traha duro pa loke e ta awor. Loke e tin problema cune awor, y ta lamenta ta cu envez di duna informacion corecto y berdad, prensa a bay tras di speculation y loke hende supuestamente ta kere.

Hecho ta, cu si acaso e ladron aki no a entrega e lap-

top computer aki na Poentje, awe e lo no a haye.

"Ami ta esun cu al fin al cabo a recupera e laptop y no Recherche," Poentje a declara na prensa. E SMS cu el a manda e mainta ey pa Claudius Philips, cu el "tin bon noticia", no tabata uno cu a convence cu e cantante cu e tin e laptop.

A sali na cla, cu Claudius Philips a declara oficialmente di Diasabra caba, cu el y Poentje ta trahando desde 15 di October pa recupera e laptop computer. Pesey e no ta compronde di con no a lage bay mas trempan for di detencion.

"Di con ami ta e ladron, siendo cu ta un team nos ta?" El a bisa cu den prensa a sali informe incorrecto cu autoridad a recupera 2 laptop. Nunca el a cumpra nada, ni a participa na black-mailing.